

جَزَائِرِ حَاكِمِي

جمعه ایرتسی

نومرو	محرم	سنه	حزيران	سنه	هجيره
۸۸۱	۲۲	۱۳۱۴	۲۲	۱۳۱۲	۱۲۴۱۳

(اشبه غزته بهر هفته جمعه ایرتسی کونلری چیقار . سنه کی در سعادت ایچون مجیدیه یکر می فروش)
 (حسابیله التمش فروشدر . طشره لر ایچون اون بش فروش پوسته اجرتی ضم اولنور . بهر)
 (نسخه سی ینه مجیدیه یکر می فروش اولق اوزره یوزپاره یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارتی)
 (دأره سنده کائن جریده محاکم اداره سنه مراجعت ایلیلدر)

قسمت سومی

(فی ۱۳ محرم سنه ۳۱۴ وفی ۱۳ حزيران)
 (سنه ۳۱۲ تاریخیه بالجمله ولايات استیناف)
 (محکمه سی مدعی عمومیلرینه ومدعی عمومی)
 (بولنمیان محالرمدعی عمومی معاونلرینه یازیلان)
 (تخریرات عمومی صور تیدر)

مقاولات محررلری نظامنامه مخصوصی
 ایجابنهجه خارجه تنظيم اولنان اوراق وسنداتک

یالکیز تاریخلری تصدیق وظیفه سیله مکلف
 اولدقلری حالده اصحابی طرفندن لاجل التصدیق
 کتوریلان کفالت سنداتنده مهر وامضاسی
 بولنان کفیلک درجه اقتدارینی وامضاسیله مهرینی
 دخی تصدیق ایتمکده اولملری اعتباریله بوسکی
 سنداته خارجه تنظيم اولنمش نظریله باقیله مامق
 طبعی و شحواله کوره کفالتی ناطق سندات
 مذکورہ نک سالف البیان نظامنامه ده بالذات تنظيم
 ایده جککری اوراق وسندات حقننده تعریف
 و بیان اولنسان اصول و قواعد ایله کفالت
 نظامنامه سی احکامنه توفیقاً و عاقدينک حقوق

و منافعی وقایه امرنده کی مجبوریت قانونیه لرینک
ایجابات طبعیه سندن اولق اوزره براساس صحیحه
مستنداً معامله تصدیقه سنی ایفا ایتک اقتضا
ایده چکی بدیهی بولندیغندن بوندن بویله سندات
مذکورہ نک زیرندہ امضاسی بولنان کفیلک
تجارتله مشغول بولندیغنی حالده تجارت اوطنه سندن
واضافدن ایسه منسوب اولدیغنی اصناف هیئتندن
و مأموریندن اولنلرک دخی آمروضابطندن
ابتدای امرده درجه اعتبارلری تصدیق اولندقدن
واملاک صاحبی بولنانلرک دائره عائدہ سندن
عہدہ لرندہ کی املاک قیمتی تحقیق اولمغله برابر
۱ تموز سنہ ۳۰۷ تاریخلی تذکرہ سامیہ ده
کوسترلیدی اوزره کفالت واقعہ صندوق امناسیلہ
واردات ملتزم و مشتریلرینہ متعلق اولدیغنی حالده
املاک مذکورہ نک قیدی بالاسنہ شرح ویردیرلک
صورتیلہ معامله حججیه اجرا قلندقدن صکرہ
مقاولات محرراکثرینجه تصدیق اولنمسی وشوبولده
کرک تحت حجرہ النان و کرک مأمورین سائرہ ایله
اشخاص طرفلرندن اراء اولنوب اصحاب
املاکدن اولمسیلہ کفالتی قبول ایدلمش و ذکر
اولنان تذکرہ سامیہ موجبینجه حجر معامله سندن
مستثنا طوتلمش اولان کفلا املاکک نظامنه
توفیقاً الی آیدہ برکمرہ اجرا قلنہ جق یوقلمہ

داخلندہ بولنان محاکمہ تبلیغ قلنمق اوزره اشبو
نحریراتک نسخ مطبوعه کافیه سی لفا ار سال قلنمش
اولمغله ایضای مقتضاسی سیاقده .

قسم غیر رسمی

(محکمه استینافی حقوق قسمندن ۱۹ حزیران)
(سنہ ۳۱۱ تاریخی و تمش طقوز عددی ایله)
(ویریلان اعلامک مابعدی)

قلنمسی اوزرینہ و جاها جریان ایدن محاکمات
و تدقیقات نتیجه سنده معترض مرقوم محمد هدایت
اغا دعوی اساسیہ ده داخل واعلام غایبیده
اسملری محرر بولنان مدعی علیهمدن اولدیغنی کبی
مبرز علم و خبرلر مندرجاتی دخی محقق اولوب
کچوک محمد اغانک اسمی کچوک حاجی محمد هدایت
اغا اولسه بیلہ و قیلہ مرقوم محمد اغا خارج محاکمہ
طوتلمش اولدیغندن و شمعدی ایسپہ مذکور

علم و خبر مندرجاتنہ نظراً مرقوم کچوک محمد اغانک
هویتی حقندہ تدقیقات اجراسنہ و او بولده قرار
اعطاسنہ محل کوریلہ مدیکی کبی جلب ایدیلان
و الیوم کتبخدا بولنان عثمان اغا زاده محمد اغا
دخی کندوسنک محمد هدایت اولدیغنی و اولجه
طرفیندن یعنی مدعی علیهمدن اولمامسی جهته
محاکمہ خارجنده بولندیرلدیغنی سوبلمش و طرفین
وکیلاری دخی شسوبولده واقع اولان افاده سنی
دخی تصدیق ایتش اولوب میداندہ معترض
واساساً مدعی علیه قالمش اولمسینہ و درمیان
اولنان اعتراضات شایان التفات کوریلہ مامسنہ منی
اولبادہ کی اعتراض علی الحکم استدعاسنک ردینہ
دائر محکمه مذکورہ دن ویریلان اعلام علیهنده
اقامہ اولنان استینافی دعواسی اوزرینہ اعلامک
فسخیلہ جریان ایدن محاکمات و تدقیقات نتیجه سنده
مبرز نفوس تذکرہ سنده اسمی محرر محمد اغانک
محله علم و خبرنده اسم و هویتی کوستریلان کچوک
حاجی محمد هدایت اغا اولوب اولدیغنی تحقیق
و تدقیقه لزوم کوریلہ مامش و ثبوت هویت ضمنندہ
صورسائرہ ایله تدقیقات اجراسی قابل اوله میه جنی
بدیهی بولنش اولوب و میداندہ معترض واساساً
مدعی علیه قالمسنہ و مستأنف مرقوم هدایت اغا
وکیللرینک اعتراضات واقعہ لری حقیقت حالہ

و قانونه موافق و مطابق اولماسنه مبنی منع
مداخله سی حقنده کی سالف الذکر اعلام غیابی
ابتدائینک اکتساب قطعت ایتیمی طبعی بولند.
یغندن اولباده کی استیناف استدعاسنک ردینه
حکمدن و مستدعی تمیز هدایت اغا و کیلی حسن
تحسین افندینک اشبو حکم علیه کی اعتراضاتنک
خلاصه سی موکلی اساساً دعوائی واقعده داخل
اولوب بونجه سنه لرحا که جریان ایدرک درجات
محاکمکن کچن و صفت و هویتی حقنده برکونه
اعتراض وادعا وقوعبولامش ایکن درجه اولی
محکمه سنجه قرار اوله مغایر اوله رق موکلنک رد
صفت و هویتله برابر اعتراض علی الحکم استدعاسنک
ردینه قرار ویرلسی و عندالاستیناف بدایت
محکمه سی اعلامی فسخ اولندینی حالده بالاخره
موکلنک رد ادعاسنه قرار ویرلسی بولسز و مغایر
قانون بولنش اولدیغندن بختله اعلامک نقضی
و مدعی علیه حاجی مصطفی افندینک لایحه سنده
مندرج نتیجه اجوبه سی ایسه اعتراضات
مسروده نک واهی و بی اساس اولدینی بیانیه
ردی و موافق اصول و قانون اولان اعلامک
تصدیق استدعاسندن و معاون مومی الیهک
مطالعہ سی ایسه اسباب فسخیه دائره سنده
عندالاستیناف هویتی تدقیق ایدیلان مستأنف

محمد هدایت افندینک دعوائی عتیقه ده بولنان محمد
هدایت ایدوکی محکمه جبه تعیین ایدلش اولان
اهل خبره راپوری محتویاتی و ساخته لکی ثابت
اوله میان علم و خبر محتویاتی و صور سائر ایل
اصولاً تعیین ایتیش اولسنه نظراً قول مجرده
مبتنی قالان هویت اعتراضنک ردیله اساس
دعوائک رؤیتنه توسل اولندیقنه مبنی لایحه ده
درمیان ایدیلان اعتراضک موافق قانون اولدینی
بیانندن عبارت بولنشدرد.

ایجابی مذاکره اولندقد اعلام مذکور
مطالعہ سندن منقہ اولدینی اوزره یاغ قانی
معونه جی اصنافندن معلوم الاسامی کسانک حضره
نقلنه وقوعبولان مداخله لرینک منعی حقنده قبان
دقیق معونه جی اصنافی علیه نه استحصال ابتکاری
اعلام غیابی به اعتراض ایدن اصناف مرقومه دن
محمد هدایت اغانک دعوائی اساسیه ده داخل
اولوب اسملری اعلام غیابی مذکورده محرد
بولنان مدعی علیه مندن اولامغله اعتراض علی الحکمه
صلاحیتی اوله میه جفی حقنده یاغ قانی اصنافی
کتخداسی مصطفی اغا طرفندن درمیان اولنان
ادعا اوزرینه جریان ایدن محاکمه ابتدائیه
مرقوم هدایت اغانک بدایه محکوم اولان اشخاص

رجوع ایتک اوزره اول امرده مستدعی
مرقومدن النهمسنه ۲۸ تشرین ثانی سنه ۳۱۱
تاریخنده متفقاً قرار ویریلرک تفهیم قلندی.

یلواج بدایت محکمه سندن ۲۵ کانون ثانی
۳۰۴ تاریخی و قرق اوج عددی ایل ویریلان
اعلامک تمیزی بی استدعا ایدن یلواج قصبه سنده
مقیم مصطفی اغا یوم معینده دائره به کیوب مدعی علیه
مالیه نظارت جلیله سی و کیلی سعادتلو رشید
افندینک و رودایتش اولسیله ایضاحات شفاهیه سیله
باش مدعی عمومی معاونلرندن سعادتلو یورفاکی
افندینک مطالعه سی استماع قلندقدن صکره تدقیقات
تمیزی به اجراسنه ابتدار اولندی.

اعلام مذکورک خلاصه مالی محلی حکومت
سنیه و کیلی شکری افندی مصرلی قریه سنک
اوچوز اوج سنه سی اعشاری ملتزمی بولنان
حمود اوغلی محمدک اعشار مذکورده بدلدنطولای
خزینة جلیله به دینی اولان یوزسکسان سکرکیل

میانده داخل اولدیغندن اعتراض استدعاسنک
ردی حقنده بدایه صادر اولان حکمک کسب
قطعت ایتدیکندن بختله محکمه استینافیه جبه
استیناف استدعاسنک ردینه قرار ویرلش ایسه ده
اعلام ابتدائی غیابیه محکوم اولان قبان دقیق
معونه جی اصنافی اوج شخصدن عبارت اولیوب
برطاقم اشخاص اولسنه کوره حکم غیابی مذکورده
اصناف مرقومه نک جمله سنک حق اعتراضی اولغله
ایجلرندن اوج شخصک حق اعتراضک سقوطیله
اعلام غیابینک کسب قطعت ایده میه جکنه نظراً
محکمه استینافیه نک معترضلرندن اوج شخصک حق
اعتراضنک سقوطندن طولای اعلام غیابینک کسب
قطعت ایتدیکنه ذاهب اولسی مخالف قانون
کورنش و اصناف مرقومه دن اعلام غیابی
مذکورده اعتراض ایدن بولنور ایسه محکمه
بدایه مراجعتده مختار بولنش اولدیغندن اصول
محاکمه حقوقیه قانوننک ایکوز قرق برنجی
ماده سی موجبجه اعلام مذکورک نقضیه قانون
مذکورک ایکوز قرق دردنچی ماده سی حکمنه توفیقاً
کیفینک صور محرره دائره سنده یکیدن اعلامه
ربطی ضمننده محکمه مذکورده اعاده سنه وزیرده
مفرداتی مرقم اوچوز طقسان درت بحق غروش
مصارف تمیزی به نک ایلروده حقستز جقه حق طرفه

اعتراضات واقعه نك موافق قانون اولديني بيانندن عبارت بولمشد .

ايجاي مذاكره اولندقدده اعلام مذكور
مألندن مستبان اولديني اوزره ملتزم مرقوم محمد
اغانك بدل التزامدن خزينه جليله ديني اولان
معلوم المقدار ذخائر جمعاً بدلي اون بش بيك يوز
قرق سكر غرو شك تحصيله قرار و برلش ايسهده
حكم محنده كفيلك اسمي ذكر وتصريح ايدلامش
اولديني كي اولبايده كي التزام سندی عیناً و یا
خلاصه اعلامه درج اولنامسی و منازع فيه
ذخيرته عیناً تسليمه قرار و برلك لازم كلور
ايكن قيمت تقدير اولنه رق بدلاً تحصيله قرار
و برلسی مخالف اصول و قانون اولدينه
و مستدعینك اعتراضاتيله معاون مومی اليهك
مطالعهمی موافق نفس الامر اولدينه بناء
اصول محاكمه حقوقيه قانوننك ايكيوز اونوز
ايكنجي ماده سی موجبجه اعلام مذكورك تفضيله
كيفيتك صور مشروحه دائره سنده يكیدن بالرؤيه
اعلامه ربطی ضمننده محكمه مذكوره به اعاده سنده
وز برده مفرداتی مرقم در تيوز اون طقوز بچي
غروش مصارف تميزيه نك ايلروده حق سر حقيقه جق
طرفه رجوع ايتك اوزره اول امرده مستدعي

جديد حظه ايله اون بش كيل ايكي شك شعيرك
اولبايده كشيده اولنان پروستو موجبجه حظه نك
قرق بش وشعيرك يكرمی سكر غروشدن بالحساب
يوز قرق سكر غرو شك ملتزم مرقوم محمد اغا ايله
كفيلي حاجي عثمان اغا زاده اسماعيل اغادن تحصيلي
طلب و ادعا ايتمی و لاجل الحاکمه تعيين اولنان
كونده اصیل و كفيل مرقومانك اجابت ايتامسی
اوزرينه و كيل مسخر تعيينيله جريان ایدن محاکمه
و تدقيقات نتیجه سنده اعتراض وقوعنده ايجابه
باقلمق اوزره مبلغ مزبورك اصیل و كفيلدن
تحصيله قرار و برلديكندن و مستدعینك اشبو
اعلام عليهنده كي اعتراضاتك باشلوجه سی عیناً
تأديه سی لازم كلان ذخائر بدلاً تحصيله قرار
و برلسی و التزام سندینك عیناً و یا خلاصه اعلام
میز به درج اولنامسی مخالف اصول و قانون
اولديندن بحتله اعلامك تقضي استدعا سندن
و مدعی عليه نظارت مشار اليها و كيلنك نتیجه
جوابی دخی اعتراضات مذكوره نقض حکمی
موجب اولديندن رديله اعلامك تصدیق طلبندن
و معاون مومی اليهك مطالعه سی دخی منازع فيه
اولان سند اعلامه درج اولنديني كي اصیل
و كفيلار حقنده حكم اولنديني حالده كفيللار
اسملری ذكر و تصريح ايدلامش اولمسنه مبنی

مصطفى اغادن التمسنه ۱ تشرین ثانی سنه ۳۱۱
تاریخنده متفقاً قرار و برلدي .

قسمطونی استیناف محكمه سندن ۱۷ حیران
سنه ۳۱۱ تاریخی ویدی عددی ايله صادر اولان
اعلامك تميزي استدعا ایدن طاش کوری
قصبه سنك قره سین محله سنده مقیم نعلبند اصنافندن
قیس قیس زاده حاجي احمد اغا و کبلی محمد سعید
افندی ايله مدعی علیه قصبه مذكوره نك جامع کیر
محله سنده مقیم تجارندن طپوز اوغلی حاجي محمد اغا
يوم معینده دائره به ورود ایتلریله ایضاحات
شفاهیه لری استماع اولندقدن صکره تدقیقات
تمیزیه اجراسنه ابتدار قلندی .

اعلام مذكورك خلاصه مالی مزبور محمد
اغانك مرقوم حاجي احمد اغا ذمتنده باسند الاجنی
اولان يوز سکسان درت لیرانك تحصيليله تأمین
استیفاسی ضمننده مدیون مرقومك معلوم المقدار
اراضیسی اوزرينه موضوع حجزك تصدیق حقنده
طاش کوری تجارت محكمه سندن اولاً غیاباً

و مؤخرأ اعتراض علی الحکم عرضحالی اوزرينه
و جاهاً صادر اولان اعلام عليهنده مرقوم حاجي
احمد اغانك اقامه ایلديكي استیناف دعواسی اوزرينه
دعوی واقعه نك تجارت محكمه سنجه رؤیتی موافق
قانون اولديني بوکره صادر اولان حکمك محكمه
تمیزدن نقض و اعاده قلنمسی جهتله بشکرار جريان
ایدن محاکمه و تدقیقات استینافیهده اعلام ابتدائیک
وظیفه دن طولانی فسخيله دعوی مذكوره نك
طوسیه بدایت محكمه سنده لزوم رؤیتی قرار کیر
اولدقدن صکره محكمه مذكوره جه تعیین اولنان
يوم محاکمه مدعی علیه مرقومك عدم اجابتی
حسبيله تعیین قلنان و کيل مسخر حضور یله غیاباً
جریان ایدن محاکمه و کيل مسخر مرقومك
انکارینه مقارن سند مذكوره موضوع مهر
مدعی علیه مرقومك اولديني اولبايده اهل خبره
طرفلرندن و بریلان تقریر مندرجاتيله ثابت
اولسنه بناء مبلغ مدعا به مذكورك مع فائض
بالغ اولديني يكرمی ايكي بيك سكر يوز يكرمی
سكر غرو شك لیرا يوز غروشدن مرقوم حاجي احمد
اغادن تحصيليله حجز موضوعك تصدیقنه دائر
و بریلان اعلام عليهنده اقامه اولنان استیناف
دعواسی اوزرينه جريان ایدن محاکمه و تدقیقات
نتیجه سنده اعلام ابتدائی مذكورك بالکیز اجرای

مسروده نك رديله اعلامك تصديقي طلبندن عبارت بولنشدر .

ايجابي مذاكره اولندقده اعلام مذكورك نتيجه مفادي من بور حاجي محمد اغانك مرقوم قيس قيس زاده حاجي احمد اغا ذمتده باسند الاجني اولديني اصولاً ثابت اولان مبالغ معلومه نك تحصيليله حكم واقمك موقتاً اجراسنه دائر بدياً صادر اولان اعلامك اجرائي موقت حقنده كي جهت حكميه سنك فسـخـيله جهات سائر سـنـك استينافاً تصديقه حكمن عبارت اولسنه نظراً حكم مذكور اسباب موجب وسائر قانونيه مستند و اصول و قانونه موافق اولديقه و مستدعينك بالاده محرر اعتراضاتيله اعتراضات سائر سـنـي نقض حكمي موجب اسباب قانونيه دن كوريله مديكنه بناءً اعتراضات مباحوث عنهانك رديله اعلام مذكورك تصديقه وزيرده مفرقاتي مرقم در تيوزسكنز بحق غروش مصارف محاكمك مستدعي تميزه طائد اولق اوزره اول امرده مدعي عليه حاجي محمد اغانك التمسنه ۲۱ كانون اول سنه ۳۱۱ تاريخنده اكثريت آرا ايله قرار وريله رك تفهيم قلندي .

موقت حقنده كي جهت حكميه سنك فسـخـيله جهات سائر سـنـك تصديقه حكمن و مستدعي و كيلك اشبو حكم عليهنده كي اعتراضاتك خلاصه سـي موكلتك اساس دعوي حقنده كي اعتراضاتي استماع و تدقيق ايدلمسكنز اعطاي حكم اولنسي واستيناف استدعاسنك مدتي ظرفنده وريلوب وريديكي تدقيق ايدلماسي و اعضاي حكمه دن شمس الدين افندي خصمك و وكيل اولديني جهته دعواي واقعهده حاكمك صفتنده بولنميه جني دركار ايكن بوندن دخی ذهول اولنسي وجزك وقت وزمانيله طرفينه تبليغ ايديلوب ايدلمديكي وكفيل الذوب التمديني تدقيق اولنمسي وجزنامه نك عينا ويا خلاصه اعلامه درج و تديق ايدلماسي و مفسوخ اولان تجارت اعلامنده كي معاملات اساس طوتيله رق مستند ادعا اولان سند حقنده يكيدن تدقيق خط و خاتم قاعده سنه توفيق معامله اولنمسي وسند مذكوره دينك سبب وجهتي ذكر ايدلماش اولغله برابر شاهدله اثبات مدعا ايتديرلمسي لزومي درميان ايدلمشـيكن بوجهتلرنده نظردفته التماسي مغاير قانون اولديغندن بخلاف اعلامك نقضي استدعاسندن و مدعي عليهك نتيجه جوابي دخی حكم واقع موافق اصول و قانون اولديغندن اعتراضات

درسمادت بدايت محكمه سـي برنجي حقوق دائره سندن ۶ ايلول سنه ۳۱۱ تاريخي و التيوز اوتوز يدي عددي ايله وريلان اعلامك تميزيني استدعايدن فاتح جوارنده حيدرده خانه سنده ساكن اداره مخصوصه سر آجتي محمد خلوصي افندي و وكيل على افندي يوم معينده دائره به كليوب مدعي عليه صوفيلرده نومروسز خانهده مقيم يوسف اغا و وكيل محمود افنديك ورود ايتمش اولسيله ايضاحات شفاهيه سـي استماع قلندقدنصكره تدقيقات تميزيه اجراسنه ابتدار اولندي .

اعلام مذكورك خلاصه مالى من بور يوسف اغانك موكل بولنان خلق بكك متصرف اولديني خانه سني وكالت حسييله ومومي اليه خلوصي افندي كفالتيله هاشمه خانم ايجار ايتسندن طولاي بدل ايجاردن الاجني اولان اوج ليرا و التي مجيديك كفيل مومي البهدين تحصيلي حكمي حاوي درسمادت برنجي حقوق محكمه سندن استحصال ايلديكي اعلام غيبي حكمه عدم قناعتله كفيل مومي اليه طرفندن اعتراض على الحكم عرضحالي اعطاوكفالت واقعه سـي قرار ايدلمسي ومبلغ مذكوردن اوج ليرا مومي اليه خلق بك زوجهنك مستأجره اولان بورچندن طولاي خلق بك طرفندن حواله قبول اولنق

صورتيله قيادمش اولديني كي التي مجيدي دخی يوسف اغا به تسويه اولنهرق بوصورتله ديني قلمامش اولديني بيان و انبا قلممش ايسهده اولبايده ابراز ايديلان قونطوراتو مألنه كوره من بوره هاشمه خانمك سالف الذكر خانيني طوغرى بدن طوغرى به يوسف اغانك استيجار ايلديكي كي مومي اليه خلوصي افنديك كفالت وتمهد واقى يوسف اغا به قارشو اولوب بومثللو عقودانده دخی حقوق عقدك عاقدده راجع اوله جني احكام مجله اقتضاسندن اولسيله مومي اليه خلق افنديك اثباتدن اظهار عاجز ايله يمين تكليف ايلديكي اوج ليرا حقنده كي ادعاسندن طولاي يوسف اغانك طوغرى بدن طوغرى به خلق بكه قارشو مسئول اولديقه نظراً يمين لازم كليه جكنه وانحق التي مجيديدن طولاي يمين تكليفنه صلاحيتي اولديقه دائر وريلان قرار اوزرينه من بور يوسف اغانك وقوعبولان طلب اوزرينه تحليفي اجرا قلممش اولديقه بناءً اصول محاكمك يوز الى طقوزنجي ماده سـي موجبجه اعلام غيبي مذكورك تمامي تصديقه حكمن و مستدعي تميز خلوصي افنديك اشبو حكم عليهنده لايحه سنده محرر اعتراضاتك باشلوجه سـي بدياً اعطا قلنان عرضحاله طوغرى بدن طوغرى به كندوسى بدل

ایجادن طولانی مدیون کوستارش و غیاباً دخی
 او بولده قرار ویرلش ایکن اعتراض علی الحکم
 اوزرینه کفیل صفتیه دعوی اولمقده تناقص
 موجود ایکن محکمه چه تناقص اولدیفته قرار
 ویرلسی و اوج ایرا حقنده کی جهت ادعایه کلنجه
 بونک دخی حواله تسویه اولدینی قونطورا تو
 ظهرنده محرر ایکن اصل صاحب خانه خلقی بکه
 یمن توجه اتمیه جکنه قرار ویرلسی مغایر قانون
 اولدیفندن بمثله اعلامک تقضی ومدعی علیه وکیلک
 نتیجه جوابی دخی اعتراضات واقعه نک واهی
 و بی اساس اولدینی بیانیه ردی و موافق اصول
 وقانون اولان اعلامک تصدیق استدعاسندن
 عبارت بولمشد.

ایجابی مذا کرد اولندقه تمیز اولنان اعلام
 مذکورک نتیجه مالی غیاباً محکوم علیه اولان
 خلوصی افندی طرفندن اولباده کی اعلام غیابی
 علیه اعتراض علی الحکم عرضحالی اعطاسیله
 برمنوال محرر سرد اعتراض اولنش ایسه ده
 مبلغ مدعا بهدن اوج ایرا حقنده کی ادعادن طولانی
 اسباب موجب اراءسیله یمن لازم کلیه جکنه قرار
 ویرلدیکی کی الی مجیدی اوزرینه مووی الیه
 خلوصی افدینک طلبیه من بور یوسف اغانک

تحلیفی اجرا قلندیفته بناء اصول محاکمه حقوقیه
 قانونک یوزاللی طقوزنجی ماده سی موجبجه اعلام
 غیابی مذکورک تصدیقه حکمدن عبارت اولسنه
 نظراً حکم واقع اسباب موجبیه مستند و اصول
 وقانونه موافق اولوب مستدعی طرفندن درمیان
 اولنان اعتراضات غیر وارد اولدیفته بناء قانون
 مذکورک ایکوز اوتوز برنجی ماده سی موجبجه
 اعلام مذکورک تصدیقه وزیرده مفرداتی محرر
 یوز قرق سکزی بقی غروش مصارف تمیزیته نک
 مستدعی تمیز خلوصی افندی به عائد اولق اوزره
 اول امرده مدعی علیه یوسف اغادن النسنه
 ۹ تشرین ثانی سنه ۳۱۱ تاریخده اکثریتله قرار
 ویرله رک تفهیم قلندی.

ازمید بدایت محکمه سندن ۲۶ ایلول سنه ۳۱۱
 تاریخ والی بش عددی ایله ویریلان اعلامک
 تمیزی ازمیده تابع مجدی قریه سنده ساکن
 بیرام اوغلی حسین اغا با عرضحال طلب واستدعا
 ایلش ایسه ده یوم معینده دائره یه کلیوب مدعی

علیه قریه مذکورده مقيم كونده لكجی عمر اغا
 كلش اولدیفندن ایضا حات شفاهی سی استماع
 قلندقدن صكره تدقیقات تمیزی به اجرا سنده
 ابتدار اولندی.

اعلام مذکورک خلاصه مالی مرقوم عمر
 اغانک اجر و یومیه دن طولانی من بور حسین اغا
 ذمتنده الاجبی اولان بشیوز الی بش غروشك
 تحصیلنه دائر ازمید بدایت محکمه سندن استحصال
 ایلش اولدینی اعلام غیابی علیه من بور
 حسین اغا اعتراض علی الحکم استدعای اعطا
 ایتش ایسه ده یوم معینده اجابت ایتدیکنندن
 اصول محاکمه حقوقیه قانونک یوزاللی طقوزنجی
 ماده سی موجبجه عرضحال مذکورک ردینه حکمدن
 ومستدعی تمیز حسین اغانک اشبوحکم علیه ده
 لایحه سنده محرر اعتراضات خلاصه سی کندوسنک
 معذرت مشروعه سنه منی محکمه ده حاضر
 بولنه مامسی جهته محافظه حقوقی ضمننده محکمه چه
 تعیین قلنش اولان وکیل مسخر حضورنده
 مدعینک اقامه ایده جکی بینهنک استماعیله حکم
 ایدلک لازم کلور ایکن اعتراض وقوعنه تعلیق
 مصلحت ایدلسی و کندوسنک مرقومه برکونه
 بورجی اولیوب ذمتی دخی ابرا ایلدیکنی اثبات

ایده جکی کی کندوسنک اعشار ملتزمی اولق حسینیه
 امور و خصوصات مهمه سنک تسویه سی ضمننده
 محاکمه ده حاضر بولنه مامسندن طولانی استدعاسنک
 ردینه قرار ویرلسی یولسر و مقایر قانون
 اولدیفندن بمثله اعلامک تقضی استدعاسندن
 ومدعی علیه عمر اغانک بوکا قارشو نتیجه
 اجوبه سی ایسه اعتراضات مسروده نک واهی
 و بی اساس اولدینی بیانیه ردی و موافق اصول
 وقانون اولان اعلامک تصدیق طلبندن عبارت
 بولمشد.

ایجابی مذا کرد اولندقه اعلام مذکور
 مطالعه سندن منفهم اولدینی اوزره مرقوم عمر
 اغانک اجرت و یومیه دن طولانی من بور حسین اغا
 ذمتنده الاجبی اولان بشیوز الی بش غروشك
 تحصیلنه دائر عن الغیاب ازمید بدایت محکمه سندن
 صادر اولان اعلام علیه من بور حسین اغا
 اعتراض علی الحکم استدعای اعطا ایلش ایسه ده
 یوم معینده اجابت ایتامش اولسندن طولانی
 عرضحال مذکورک ردینه حکمدن عبارت اولسنه
 نظراً حکم مذکور اسباب موجبیه مستند
 و اصول وقانونه موافق بولندیفته ومستدعی
 من بور حسین اغانک تمیزاً سرد ایلدیکی بالاده

محرم اعتراضات به اعتراضات سائره سی بالتدقیق
نقض حکمی موجب کوریله مدیکنه بنسأ ردیله
اعلام مذکورک تصدیقنه وزیرده مفرداتی مرقم
یوزغروش مصارف تمیزیه نک مستدعی من بوره
رجوع ایتمک اوزره اول امرده مدعی علیه عمر
افادن النمسنه ۳۰ کانون اول سنه ۳۱۱ تاریخنده
متفقاً قرار ویریلرک تفهیم قلندی.

جانیک بدایت محکمه سندن ۱۴ تموزسنه ۳۱۰
تاریخی ویکرمی اوج عددی ایل ویریلان اعلامک
تمیزاً تدقیقی استدعایدن جانیک قضاسنه تابع
موسلی قریه سنده مقیم سلیمان کتخدایله مدعی علیه
قریه مذکورده ساکن شعبان اوغلی مصطفی
یوم معینه دائره به کدکری کی جواب لایحه سی
دخی ویرلمدیکندن اصول محاکمه حقوقیه قانوننک
ایکیوز یکرمی طقوزنجی ماده سی موجبنه تدقیقات
تمیزیه اجراسنه ابتدار اولندی.

اعلام مذکورک خلاصه مالی من بور شعبان

بولدینی کندی افاده سندن اکلاشملغه مداخله -
سنک منعیه ایکیوزغروش الاجفته مقابل مدعینک
من بور سلیمان دن مبايعه ایلدیکنی ادما ایلدیکنی ترلا
حقنده کی معامله بیعیه مأموری حضورنده تقدیر
ایلدیکنی جهتله معتبر اوله میه جفتدن بو جهته
متعلق اولان دعوانک ردینه وترلا بدلتنه محسوباً
وقدأ ویریلان یوزغروش ایل ترلای مذکورده
ا کیلان آرپه نک یوزغروشه مقابل ترک اولندیقی
مدعینک انکار ایللمسیله مدعی علیه ک طلبیله مدعی
مرقومک اولبایده امر تحلیفی اجرا قلنمش
اولدیغه بنسأ مذکور ایکیوز غروشک تحصیلنه
حکمندن ومستدعی تمیزسلیمانک اشبو حکم علیه نه
لایحه سنده محرم اعتراضاتنک خلاصه سی تسلیماتی
اولان یوز غروش ایل ترلایه اکدیکی آرپه یوز
غروشه مقابل مدعی به ترک وتسليم ایلدیکنی
شهود شخصییه ایل اثباته مهیا ایدوکی اشائی
محاکمه درمیان ایلدیکنی حالده بوافاده سنه حواله
سمع واعتبار اولنامسی ودعوائ واقعه نک بر قسمی
رد اولندیقی جهتله مجموع مصارف محاکمه نک
عهده سنه تحمیل اولنمی مغایر قانون اولدیغندن
بمثله اعلامک نقضی استدعا سندن عبارت
بولنشد.

ایجابی لدی المذاکره اعلام مذکورک نتیجه

مالی مدعینک خلیلدن اشترا ایلدیکنی ترلایه مدعی
علیه ک مداخله سی وقوع بولدینی مسبق اماره سیله
مثبت اولمغه مداخله سنک منعیه و دیگر ترلانک
فراغی اجرا قلنمدیغه منی اولبایده کی دعوانک
ردیله مدعی علیه جانبندن استقراض اولندیقی
ادما اولنان ایکیوز غروشک یوزغروش نقدأ
تسلیم و یوزغروشه مقابل دخی ترلا حاصلاتنک
ترک اولندیغه دائر مدعینک اجرا قلنن تحلیفی
موجبنه مبلغ من بورک مدعی علیه دن تحصیلنه
حکمندن عبارت اولسنه نظراً حکم مذکور اسباب
موجبیه مستند و اصول وقانونه موافق اوله رق
مستدعی جانبندن تمیزاً درمیان اولنان اعتراضات
نقض حکمی موجب کوریله مدیکندن اعتراضات
مبحوث عنهانک ردیله اصول محاکمه حقوقیه
قانوننک ایکیوز اوتوز برنجی ماده سی موجبنه
اعلام مذکورک تصدیقنه وزیرده مفرداتی مرقم
یوز اوتوز سکر غروش مصارف تمیزیه نک
مستدعی به رجوع ایتمک اوزره اول امرده مدعی
علیه دن النمسنه ۲۰ مایس سنه ۳۱۱ تاریخنده
متفقاً قرار ویرلدی.

یکی واروش قضای بدایت محکمه سندن
۳ کانون اول سنه ۳۱۰ تاریخ ایل ویریلان اعلامک
تمیزی استعدایدن یکی واروش قضاسنک بوزنیک
قریه سنده ساکن میرقو ولد مارقو ایل مدعی علیه
قریه مذکورده مقیم رولویک کبرو یوم معینه
دائرة مکملکندن اصول محاکمه حقوقه قانوننک
ایکیوز یکرمی طقوزنجی ماده سی موجبجه تدقیقات
تمیزیه اجراسنه ابتدار اولندی.

اعلام مذکورک خلاصه مالی مرقوم کپرونک
مستأجر و مزارعی بولندی و نظیف اغا
و شرکاسنک متصرف اولدینی چفتلیکی مشتملاتندن
درت قطعه ترلا ایل ایکی قطعه جابری التمش بش
محارالتونی مقابلنده کندوسنک معلوماتی اولفسزین
منبور میرقو صورت خفیهده اشترا ایتمش حالبوکه
دستورک جلد ثالثده اراضیه دایر اولان فقره
نظامیه نک اوچنجی بندی موجبجه اراضی
مذکورده کندوسنک حق رجحانیقی اولدیفندن
بدل مثلیله بالاسترداد معامله فراغیه نک عهده سنه
اجراسنی طلب و دعوی ایتسنه قارشو مدعی علیه
منبور میرقو دخی اراضی مذکوریهی مشترکاً
المق اوزره مدعی مرقومه اولاً تکلیف ایدلمش
ایسهده فیتانک غالی اولسندن ناشی المقندن

استنکاف ایدرک اولوجهله معامله فراغیه نک
اجرا قلندی و بویخصوصی شهود شخصیه اقامه سیله
اثبات ایده جکئی انبیا ایدوب اقامه شهود
اولتمش ایسهده دعوی موافق صورتده ادای
شهادت ایده مدکلرندن ردی قرارکیر اولدقدن
و مدعی علیه میرقونک لاجل الحاکمه وقوعبولان
دعوتیه اجابت ایتیرک محافظه حقوقی ضمنتده
محکمه جه بروکیل مسخرتعیین قلندقدن وهرتقدر
نمن مبیع قرق لیرا اولدینی اولسایده کی اوراق
مندرجاتندن اکلاشلمقده ایسهده التمش بش محار
التونی اولدینی فارغ نظیف اغانک افاده سی
وشهود شخصیه نک شهادتی ایله تحقق ایتدکن
صکره جریان ایدن محاکمات و تدقیقات نتیجه سنده
چفتلک مذکورده مدعی مرقوم کبرو مستأجر
و مزارع بولندی اکلاشلمسنه و اراضی حقنده کی
فقره نظامیه نک اوچنجی ماده سی حکمنه توفیقاً
حق رجحانیقی درکار بولمسنه بناء اراضی منازع
فیها نک اهل وقوف جانبدن تقدیر اولنه حق

مابعدی وار

اعلان

عن تلو احمد حسام الدین بکک برنجی حقوق
دائرة سندن استحصال ایلدیکی اعلام موجبجه
قیامه جیان اوخانس اغا زوجیه سی یوکنه قادی
ذمتده محکوم به الاجنی اولان معلوم المقدار
مبالغک تأمین تسویه سیچون منبوره نک متصرفه
اولدینی صماتیهده حاجه قادی محله سنده بولجی
آغوب زقاغنده واقع بشر اوطه وایکشر صوفه
وایکشر ابدستخانه و برر مطبخ وهر ایکی خانه
میاننده مشترکاً استعمال اولنور بر صهرنجی
حاوی مکرر اوتوز ایکی نومرولی ایکی باب خانه لرك
تمامیه ینه محل مذکورده اوچ اوطه و بر صوفه
و بر ابدستخانه و بر قیوی و تحتنده شهری قرق
بش غروش ایجار کتورر بر باب دکانی حاوی
مکرر اوتوز ایکی نومرولی خانه و دکانک تمامی
التمش برکون اجرا قلنان مزایده علنیه نتیجه سنده
لیرای عثمانی یوز غروش حسابیه مذکور ایکی باب
خانه اون اوچ بیک غروشد و مکرر اوتوز ایکی
نومرولی خانه مع دکان التي بیک یدییوز غروشد

طالبلری عهده لرنده تقریر ایدرک مدتک انقضاسنه
مبنی موقتاً قرارداده سی کشیده قلنمش اولدیفندن
بوندن زیاده به طالب اولنلرک ودهاز یاده معلومات
المق استیابنلرک بی ایتله لیرله برابر اوتوز برکونه
قدر اجرا دائرة سنه مراجعتله بی سورملری
ومدت مذکورده نک انقضاسندن صکره ضم قبول
اولیمیه جنی درسمادت اعلامات نظامیه اجرا
دائرة سندن اعلان اولنور.

فی ۲۰ حزیران سنه ۳۱۲

یوان ولد بدوسک درسمادت بدایت
محکمه سی برنجی حقوق دائرة سندن استحصال
ایلدیکی اعلام موجبجه دسینو قادی ذمتده
محکوم به الاجنی اولان مبالغ معلومه نک تأمین
استیفاسی ضمنتده منبوره نک متصرفه اولدینی

قوم مقبوده محسنه خاتون محله سنده قوم قپوجاده سنده
 ممش دکانی دیمکله عریف بر باب بقال دکانی کدکنک
 یوز یکرمی سهم اعتباریله قرق سهم حصه شایعه سی
 النمش برکون اجرا قلنان مزایده علیه نتیجه سنده
 لیرای عثمانی یوز غروش حسابیله یدى بیک بشیوز
 غروشده طالبی عهده سنده تقرر ایتمش ومدتک
 انقضاسنه مبنی موقتاً قرار داده سی کشیده قلنمش
 اولدیغندن بوندن زیاده طالب اولنلرک ودها
 زیاده معلومات المق استیئانلرک پی اچهلریله برابر
 تاریخ اعلانندن اعتباراً اوتوز برکونه قدر یوزده
 بش ضمیله اجرا دائره سنده مراجعت ایلملری
 ومدت مذکورک انقضاسندن صکره ضم قبول
 اولتیه جنی درسمعدات اعلامات نظامیه اجرا
 دائره سندن اعلان اولنور .

فی ۲۳ حزران سنه ۳۱۲

اغاطوقلی لاغورا کینک نیقولای وایه افندی
 ذمتنده مصارف محاکمه غیایه دن طولای الاجنی
 اولان معلوم المقدار مبالغک استیفاسی ضمننده
 بک اوغلی بدایت محکمه سی ریاست اولیمی جانیندن
 اعطا بیور یلان قراره توفیقاً اشیای بیتیه سندن
 کفایت مقداری تحت حجزه النمش اولمغله شهر
 جاری رومینک اوتوزنجی بازار کونی ساعت
 اوچ راده لرنده ارنبود کوینده چارشو میداننده
 بلمزایده فروخت ایتدیریله چکی بک اوغلی بدایت
 محکمه سی اجرا مأموریتی جانیندن اعلان
 اولنور .

فی ۲۵ حزران سنه ۳۱۲